

第一百二十九冊

卷二百二十八

宦績傳四

卷二百二十九

宦績傳五

新纂雲南通志

盧

漢題

纂



第一卷 序

第二卷 沿革

第三卷 地理

第四卷 物產


第五卷 風俗



新纂雲南通志

盧蔭

卷



新纂雲南通志卷二百二十八目錄

宦績傳四

楚雄府

黃明

李瑜

侯良弼

施一中

趙濬

俞緯

俞繪

郭如盤

鞠以正

孫學詩

陳九韶

陶珙

馬兆義

楊初泰

謝琇

清

劉襄治

夏詔新

謝宣

陳詔

宋師夔

張雲龍

謝長清

陳鉦

胡天培

樊如杞

樊鍾英

麥祥

謝長年

孫源

丁希陶

劉鍾暉

趙子驤

陳慶生

謝家瑞

周材芳

澂江府

明

蘇興

張寧

董雲漢

陳表

席大賓

侯宏文

王說命

清

謝白生

段如蕙

郭聯奎

馬元龍

郭晉

黃毓彩

楊仲增

萬華

徐士琦

順寧府

明

羅元佐

清

楊國翰

曲靖府

明

施繼先

張濂

陳漢

吳蘭

李希揆

李友芝

周嘉誥

楊開泰

清

俞卿

李瀚

王宣

楊中選

唐琦

何暄

楊本峻

陳常

彭輔周

何融

葉先張

晏曙東

馮管恩

周師

喻元升

楊本濬

竇怡曾

婁鍾

張行忠

彭一眞

竇塾

竇紹曾

楊銘柱

曹懷才

陶冶

陳旭

梅于嵩

梅鼎臣

劉從龍

盧日升

何淵

謝本如

謝常

趙神鳳

何淵

俞職

李儒

王宣

謝中雲

謝大猷

侯常

王說

李式

佩嘉

謝開泰

蘇式

謝嘉

謝嘉

吳元蘭

李希

楊式

楊式

楊式

楊式

謝式

謝式

謝式

謝式

謝式

新纂雲南通志卷二百二十八

宦績傳四

楚雄府

明

李瑜廣通人永樂甲午舉人任四川大足知縣剛介執法被誣去官

乃躬奏復職單騎之任吏民畏懷清操尤著及去任惟圖書衣衾而

已邑人至今祀之

參萬歷志
楚雄府志

侯良弼鎮南人景泰歲貢任四川教諭設立義倉捐置葬地行多仁

厚

鎮南
州志

施一中大姚人正德庚午舉人授資縣知縣理繁治劇風裁有聲值
歲歉賑貸有方賴全活者數千人民感其德繪有百里陽春圖楊廷

和稱其公平仁恕視民如傷興學校以育人材恤瘡夷以蘇民困一切累民之征悉以罷去不急之務悉以蠲除冤抑之夫悉以解脫其有益於民生有關於治理罔不盡心力爲之殆不愧循吏云

大姚縣志

趙濬楚雄人德性謙和動遵禮度中弘治壬子鄉試司訓臨安士多造就陞銅梁知縣興學校裁冗費息健訟有冰蘖聲歸里屏居僻巷

家計蕭然

萬歷志

俞緯楚雄人嘉靖甲午舉人官合江知縣以廉吏稱修學校省徵徭其政績載諸去思碑者甚悉居鄉學行與李啓東齊名

萬歷志

俞繪緯之弟質性溫厚器識宏遠初司訓寧州後陞諭太和教人有

方言笑不苟接弟子以禮不冠不見卒後人猶思之

萬歷志

郭如盤姚安所人嘉靖壬午舉人任青神知縣操履端潔歸田後下

帷講誦教授生徒恂恂如諸生不知其爲士大夫也

姚州志

鞠以正楚雄人隆慶丁卯舉人歷官湖州府同知考選天下清官第

二舉名宦至今崇祀

楚雄府志

孫學詩楚雄人萬曆甲午舉人居鄉稱長者善古文詞初爲唐邑教

諭轉國子監博士遷吏部司務歷員外郎著四民圖說進呈御覽上

嘉納之擢四川永寧監軍參議道倣金城屯田法省餉若干後以疾

乞歸終於家

參一統志
楚雄府志

陳九韶姚安所人萬曆間任天柱知縣清靜安謐漢苗均愛戴立祠

祀之

雍正志

陶琪姚安所人天啟辛酉舉人任太平教諭擢國子監助教轉工部
主事歷郎中出爲寶慶知府所至有聲致仕歸孝友文學爲一時冠

修郡志著有寄園集行世

雍正志

馬兆羲楚雄人崇禎戊辰進士歷官工科給事中巡視廠庫清出冒濫錢糧四十餘萬土司祿永命爭襲請留撫臣王育德彈壓以制其變復陳御史王肇坤死節事俱奉諭旨後罷官歸里居三十年以壽

終

雍正志

楊初泰定遠人以歲貢任茶陵學正署州篆遇賊入境率民死守民

賴以安

楚雄志

謝琇楚雄人選貢赴監肄業授潼川府同知到任三月流賊入蜀劫殺焚掠潼川民皆遷徙會某官督兵三千衛省琇挽留守潼激以忠義製造火器與賊相持七晝夜竟解圍去尋攝知州擢王府長史以

疾歸卒

楚雄縣志

清

劉襄治楚雄人天資穎異學本經術雍正初由拔貢舉孝廉方正授

施秉縣丞手纂貴州通志苗疆不靖贊理軍務擢在平知縣政績甚

著視事三年有青天衆母之稱在平人祀爲城隍並祀名宦

楚雄縣志

夏詔新字紫泥姚州人雍正己酉拔貢歷官遂寧成都知縣會理西

陽瀘州知州權永寧兵備道所至有聲任會理時屢決疑獄人以青

天稱之治瀘州教養兼舉興利除弊修治學宮士民爲立生祠致仕

歸與兄弟共財產倡修文廟及書院出家藏十三經廿一史於其中

捐置鄉會試卷金三姚無賢愚貴賤莫不佩其德行云

參滇纂姚州舊志

謝宣楚雄人乾隆丁卯解元家貧力學孝友著聞官蕭縣知縣整學

校勸農桑禁固販平獄訟頌聲載道邑人祀之

楚雄縣志

陳詔楚雄人乾隆庚午舉人善詩文肄業五華書院與李因培錢士雲周於禮同稱四傑歷任青州衛輝知府所至訓士愛民築城緝盜泐泊恬退正己率人居官二十餘年不營產業不愧爲真太守云

參滇
繫楚

楚雄縣志

宋師夔楚雄人歲貢任羅平訓導嘉慶二年黃草壩賊圍城知州在省師夔率勵士民守禦城遂獲全巡撫奏請賞戴花翎以年老告歸

楚雄縣志

張雲龍大姚人家貧嗜學經史子集靡不貫通性慷慨鄉里有急難悉傾助焉嘉慶戊辰成進士歷任陝西三水麟游知縣所至薄賦輕徭興利除弊遇訟立決人咸以青天呼之卒於官囊橐蕭然士民

醵金以助櫬始得歸著有易經便讀等書待梓

光緒
志

謝長清字春塘楚雄人性倜儻以孝友稱嘉慶丁卯舉於鄉知陝西富平縣甫下車詢知糧賦浮收溢於正額民甚苦之長清以次核減民踴躍輸將自是無逋欠俗好健訟劣衿藉以爲生長清嚴懲誣告並治其尤者訟漸衰息又有溺女風引例禁之設育嬰堂留養在任三年以耿介忤大吏引疾歸捐資修文廟建書院增設膏火置備卷金創養濟院以卹孤貧立體仁堂以施棺槨修橋梁以利往來疏河道以灌田畝風景之地建寺院以培之嫁娶無力傾囊橐以助之嘗集都人士課文藝多方講求優者出資獎勵士風一變卒於家里人擬請祀鄉賢以兵燹不果

光緒志

陳鈺字卓然楚雄人嘉慶戊辰進士知浙江金華縣性儉素食無兼味教民崇樸黜華婚喪悉遵古禮決獄必精審不事鞭朴民稱之曰

陳佛子在任六年以同城知府不相能事多掣肘引疾歸卒於家

光緒志

胡天培字雲樓廣通人由拔貢選平彝縣教諭嘉慶庚午舉於鄉以大挑授寧州學正時江外夷匪滋擾奉檄襄辦軍務擒獲匪首擢河南襄城知縣多善政時鞏縣有煤窰巨案株連多人上官檄天培往辦直大愍於法脅從罔治全活甚衆民爲立廉明雪冤碑解任後士民甄其實政凡二十事刊爲棠蔭錄并建祠以誌遺愛移官滑縣當兵燹後招撫流亡修復城池振興學校捐助膏火事聞擢山東平度知州洊至知府以老病致仕歸主講育材書院成就者衆著作多散佚惟遺有燕臺詩鈔自愛室文鈔行世

光緒志

樊如杞字仲山楚雄人幼奇慧九歲能文十二補諸生弱冠舉於鄉嘉慶辛未成進士選庶常散館以知縣分發直隸權安肅地當孔道

差使絡繹民不堪命如杞精審弊源嚴束丁役一切苛派力除之民困以蘇聽訟片言立決有要犯悉設法購捕鮮漏網者上官重其才調補大興爲首善區素稱難治蒞任後凡民旗交訟倚勢請託者皆守正不阿一繩以法秩滿擢西路同知未到任以內艱歸遂不復出

優遊林下三十年卒於家四世同堂里人咸欽慕焉

光緒志

樊鍾英字實園楚雄人性伉直夙敦孝友詩文古奧嘉慶癸酉登拔萃科朝考一等授湖北黃岡縣縣濱大江水潑田地即成巨浸民甚苦之鍾英謂隄防宜豫乃籌款築堤二十里以禦之自是歲屢豐民呼之曰樊公隄俗故好訟鍾英聽斷明決案無留牘遇訟棍必嚴懲之頽風自是永息任三年不名一錢與上官某不協引疾歸士民泣留不可得家居授徒遂不復出

光緒志

麥祥字履齋楚雄人博學能文嘉慶甲戌進士授河南新野知縣有疑獄數易官不決祥至一訊白其誣合邑驚爲神明調唐縣尋遷固始邑多世家每訟輒事請託祥準情酌理守正不阿頌聲上聞媒蘖者無可如何在任六年以卓異升福建邵武府同知卒於官

光緒志

謝長年字松坪長清弟幼勤學焚膏繼晷文名噪甚嘉慶庚辰成進士知陝西朝儀縣禮士愛民嘗捐廉增設膏火遇課期口授指畫不憚煩訟至立斷獄無留滯禁需索絕請託尤惡劣衿土豪爲善良害犯者盡法懲治以卓異升定遠同知甫數月丁外艱歸恆與士林改正詩文不遺餘力族黨中有貧乏者必周卹之卒年六十餘

光緒志

孫源字培之楚雄人性耿介家貧力學道光戊戌進士以知縣分發浙江權石門課士必親爲講解訟至立決或因公下鄉就寓訊之以

省拖累捐廉建義倉以備水旱設義學以化愚頑在任三年調餘姚糧漕舊多浮額源極力裁減積弊一清尋以積勞成疾卒於官士民

立祠祀之

光緒志

丁希陶字菊溪楚雄人道光戊戌進士授直隸蠡縣知縣地瘠民貧政暇即赴鄉勸民開曠土種雜糧栽桑織繭民力以紓尤愛士定期集署課文躬親指授優者捐廉獎勵尋調宛平希陶理繁治劇綽有餘裕遇訟則原情守法無即於私民大悅服卓異升南路同知安民察吏轄境靜謐以獲欽犯博勒恭武功賞戴花翎擢霸昌兵備道蒞任三月爲奸黨所誣落職循例捐復知縣授山西長子縣卒於官

光緒志

劉鍾璟鎮南人道光庚戌進士知四川夾江縣深得民心調秀山勦辦會匪著有勞績擢簡州知州革除驛馬浮費民咸德之立石曰政